

Službene novine Federacije BiH, broj 99/23

Na osnovu člana 59. stav (3) Zakona o liječenju neplodnosti biomedicinski potpomognutom oplodnjom ("Službene novine Federacije BiH", br. 59/18 i 44/22) na prijedlog Komisije za primjenu postupaka biomedicinski potpomognute oplodnje i Zavoda zdravstvenog osiguranja i reosiguranja Federacije Bosne i Hercegovine, federalni ministar zdravstva donosi

PRAVILNIK

O DOPUNAMA PRAVILNIKA O OBIMU PRAVA NA BIOMEDICINSKI POTPOMOGNUTU OPLODNJU IZ SREDSTAVA BUDŽETA FEDERACIJE BOSNE I HERCEGOVINE, NAČIN FORMIRANJA CIJENE POJEDINAČNIH POSTUPAKA BIOMEDICINSKI POTPOMOGNUTE OPLODNJE, KRITERIJI I NAČINI UGOVARANJA, KAO I DRUGA PITANJA OD ZNAČAJA ZA PROVOĐENJE BIOMEDICINSKI POTPOMOGNUTE OPLODNJE

Član 1.

U Pravilniku o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje ("Službene novine Federacije BiH", br. 4/23 i 26/23) u članu 3. stav (3) iza riječi "reprodukcije" dodaju se riječi: "ili specijalista ginekologije i akušerstva sa najmanje pet godina iskustva u reproduktivnoj medicini".

Član 2.

U članu 11a. iza stava (1) dodaje se novi stav (2) koji glasi:

"(2) Izuzetno od stava (1) ovog člana podnosioci zahtjeva koji su liječeni biomedicinski potpomognutom oplodnjom bez saglasnosti Komisije za BMPO Federalnog zavoda iz člana 3. ovog pravilnika, imaju pravo na naknadu troškova liječenja iz sredstava budžeta Federacije po cijenama, saglasno Cjenovniku zdravstvenih usluga koje se finansiraju sredstvima fonda federalne solidarnosti i Tarifi zdravstvenih usluga, pravo na naknadu troškova lijekova za stimulaciju ovulacije koji su registrirani do iznosa maksimalne veleprodajne cijene lijeka koju je utvrdila Agencija za lijekove i medicinska sredstva Bosne i Hercegovine, uvećane za maloprodajnu maržu i PDV, te pravo na naknadu troškova lijekova za stimulaciju ovulacije koji su neregistrirani do iznosa koji se nalazi na originalnom fiskalnom računu apoteke o kupovini/nabavci lijeka, a sve pod uvjetom da je liječenje biomedicinski potpomognutom oplodnjom izvršeno od 01.01.2023. godine do 16.06.2023. godine i da je od strane Komisije za BMPO Federalnog zavoda utvrđeno da se radi o liječenju biomedicinski potpomognutom oplodnjom i lijekovima za stimulaciju ovulacije za predmetno liječenje, koje se finansiraju iz sredstava budžeta Federacije".

Član 3.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-33-7452/23
20. decembra 2023. godine
Sarajevo

Ministar
Dr. **Nediljko Rimac**, s. r.